

KERATAN AKHBAR

TARIKH : 11 JANUARI 2023
AKHBAR : UTUSAN MALAYSIA
MUKA SURAT : 8

Mekanisme kawalan harga dikaji elak bekalan kurang

Mekanisme kawalan harga dikaji elak bekalan kurang

PUTRAJAYA: Kementerian Perdagangan Dalam Negeri dan Kos Sara Hidup (KPDN) bakal mengumumkan mekanisme bersesuaian bagi menggantikan kaedah kawalan harga.

Perkara itu dimaklumkan menterianya, Datuk Seri Salahuddin Ayub yang mengulas gesaan Persekutuan Peniaga Barang Runcit Malaysia untuk menangani isu kekurangan bekalan.

"Kita memang ada kaji pelbagai mekanisme yang terbaik dan saya akan mengumumkan dalam masa terdekat, insya-Allah," katanya dalam sidang akhbar selepas menghadiri Majlis Perhimpunan Bulanan KPDN serta menyampaikan Amanat Tahun Baharu 2023 di sini semalam.

Minggu lalu, presiden persatuan tersebut, Hong Chee Meng ketika diwawancara sebuah akhbar Cina tempatan menyarankan agar kerajaan menghapuskan sistem kawalan harga dan mendakwa kesemua produk ada masalah kekurangan stok selama ini merupakan barang yang dikawal harga, tetapi, isu ini tidak pula dialami bagi barangan tanpa kawalan.

Antara contoh yang berlaku ialah minyak masak paket satu kilogram bersubsidi apabila masih lagi tidak cukup sedangkan bekalannya adalah berlebihan di pasaran seluruh negara.

Situasi itu ujar Chee Meng disebabkan sifat semula jadi pengguna tempatan yang suka membeli barangan harga murah di kawal kerajaan dan peniaga pula tidak pula boleh kawal.

Mengulas lebih lanjut, Salahuddin bagaimanapun enggan memberi bayangan apakah bentuk mekanisme yang sesuai bagi menggantikan sistem kawalan harga siling ketika ini.